

SCRIPT OF MORNING GOJRI NEWS BULLETIN 19MAR 2025

1015HRS

مارنگ گوجری نیوز بولٹن 19 مارچ 2025

یوہ آکاشوانی جموں ہے عبدالرحمان تین خبر سُنو۔

INDIA PAK

بھارت نے جموں کشمیر غے متعلق پاکستان غا تنصراں ور سخت رد عمل ظاہر کرتاں واں کہیو ہے جے اسلام آباد نانہہ چوٹھہ پھیلاں غے بجائے بھارتی علاقاں نانہہ اپنا غیر قانونی تے جبری قبضہ تیں خالی کردینو چاہیے۔ وزارت خارجہ غا ترجمان رندھیر جیسوال نے ذرائع ابلاغ غا سوالاں غا جواب مانہہ یوہ بیان پاکستان غی طرفوں کیا گیا تنصراں غا جواب مانہہ دتو ہے انہاں نے مزید کہیو جے پاکستان غی طرفوں سرحد پار غی دہشت گردی غی لگاتار حمایت خطہ مانہہ امن وسلامتی واسطے سب تیں بڑی روکاوت بنی وی ہے۔

NIA RAIDS

جموں کشمیر مانہہ قومی تحقیقاتی ایجنسی این آئی اے جموں گا بکھ بکھ مقامات ور چھاپا ماری رہی ہے جہیڑو کہ دہشت گردی غی فنڈنگ غے متعلق معاملات غی تحقیقات غو حسو ہے ان چھاپاں گو مقصد اُن نیٹ ورکز غ وپتو لانو ہے جہیڑو سرحد پار سرگرمیاں مانہہ ملوث ہیں تے خطہ مانہہ دراندازی نانہہ روکنو ہے این آئی اے غی طرفوں پھیلاں وی جموں کشمیر مانہہ دہشت گردی غی فنڈنگ غا معاملات ور اس طرح غا چھاپا مار چُکی ہے یہ مہیم جموں کشمیر مانہہ جاری انسداد دہشت گردی غی کوششاں مانہہ اہم پیش رفت غو باعث بن سکے مزید تفصیلات غو اجوں انتظار ہے۔

CM DEMANDS

وزیر اعلیٰ عمر عبداللہ نے قانون ساز اسمبلی مانہہ ۳۱ مطالبات تے ۲۱ ضمنی مطالبات پیش کیا جہیڑو کہ مالیات مکانات بجلی سیاحت تے قدرتی آفات غا انتظام جیسا اہم محکماں شعباں غو احاطو کریں۔ یہ مطالبات سپیکر عبدالرحیم راتھر غے زیر بحث پیش کیا گیا ان ۳۱ مطالبات غے تحت ۱۳ مارچ ۲۰۲۲ توڑی غا اخراجات پورا کیا جیں غا جدکہ ضمنی مطالبات غی ادائیگی ۱۳ مارچ ۲۰۲۲ نانہہ ختم ہون آلا مالی سال غے دوران کی جے گی۔ ان مطالبات ور بحث اج ۹۱ مارچ تے پلک ۰۲ مارچ نانہہ جاری رہے۔ جدکہ وزیر اعلیٰ ۰۱ مارچ نانہہ دوپہر تیں بعد ان مطالبات ور جواب دیں گا جس تیں بعد ان غی منظوری واسطے زبانی ووٹنگ وے گی۔

LG YOUTH INTERACTION

لیفٹیننٹ گورنر مونج سنہا نے لداخ تیں آیا ایک نوجوان وفد سنگ ملاقات کی جہیڑو کہ ای بی وی پی غی علاقائی سمجھ بارے راشٹریہ ایکاتمتا یا ترہ مانہہ طالب علماں غا تجربہ غے تحت آیو تھو۔ اس ملاقات غے دوران نوجواناں نے بھارت غا ابکھ بکھ علاقاں غا دوراں تیں حاصل کردہ تجربات سانجھا کیا۔ لیفٹیننٹ گورنر نے اے بی وی پی غی اس کوشش نانہہ سراہیو جس غے ذریعے لداخ غا نوجواناں نانہہ ملک غا ثقافتی ورثہ جمہوری اقدار تے حکومتی نظام نانہہ سمجھن غو موقع ملے تانجے وے ایک بھارت سریشٹھ بھارت مانہہ اپنی ذمے داریاں نانہہ بہتر طور ور محسوس کرسکیں۔

PM SURYA GHAR

پی ایم سوریا گھر مفت بجلی بوجنا نانہ فروغ دین واسطے جے پی ڈی سی سی نے گزشتہ روز بابو پلازہ جموں مانہ ایک برو بیداری کیمپ غو انعقاد کیو اس تقریب مانہ جموں کشمیر غ اقابینہ وزیر سٹیشن شرما نے شرکت کی تے اس سکیم غا فائیداد ور لو کھلی جن مانہ بجلی غا بلاں مانہ کمی تے قابل تجدید توانائی غا فروغ جیسا نکات شامل تھا وزیر اعظم نریندر مودی غے زریعے شروع کی گئی یاہ سکیم ۱ کروڑ کھراں نانہ ہر مہینت ترے سو پونٹ توڑی مفت بجلی فراہم کرے۔

ACS EDUCATION

ایڈیشنل چیف سیکرٹری شانتمنو نے گزشتہ روز جموں مانہ ریاستی تعلیمی تحقیق و تربیت کونسل غا ڈویژنل آفس مانہ جادوئی پٹارا غو آگاز کی ویوہ ایک جدید سیکھن غو سازو سامان بے جہیڑی قومی تعلیمی پالیسی ۲۰۲۰ غے مطابق تیار کی گئی ہے اس مانہ کہانیاں غی کتاب فلش کارڈ کٹ پتلا شامل ہیں جہیڑو بچاں گی بنیادی تعلیم نانہ مزید دلچسپ تے موثر بنان مانہ مدد گار ثابت وے غی۔ اس تقریب مانہ اے سی ایس نے سٹو کہانی نامی ایک کہانی سنان غا پروگرام غو وی آغاز کیو جس غو مقصد بچاں غی زبان مانہ مہارت تے سوچن غے نال تصور کرن غی صلاحیت نانہ بہتر بنایو جاسکے غو۔ انہاں نے ایس سی ای آر ٹی جموں غی تعریف کرتا واں کہیو یوہ ادارو تخلیقی تعلیم نانہ فروغ دین تے بچاں مانہ گہرائی تیں سوچن غی صلاحیت پیدا کرن مانہ اہم کردار ادا کر رہیو ہے۔

ASTRONAUTS RETURN

ناسا گا خلا باز سُنیتا ولیمز تے پُچ ولیمز اج سویرے ایک سپیس ایکس کریو ڈریگن خلائی جہاز یعنی سپیس ایکس کریو ڈریگن خلائی جہاز یعنی سپیس کرافٹ غے زریعے زمین ور واپس آگیا ہیں سپوال خلیج مکسیکو مانہ پیرا شوٹ غے زریعے اُتریو جدکہ پانی مانہ لینڈنگ ٹلاہاسی فلوریڈہ غے قریب ہوئی اُن غی واپسی ۹ مہیناں گا مشن غا اختتام غی نشاندہی کرے جہیڑو سپیس ایکس غ اگریو ۹ غا بین العوامی خائی سٹیشن یعنی آئی ایس ایس غا مخود غو حصو تھو سُنیتا ولیمز تے ویلمور پچھلے سال جون تیں آئی سی سی ور موجود تھا لیکن بوئینگ سٹار لائنز مانہ تکنیکی مسائل غی وجہ تیں ان غی واپسی مانہ تاخیر ہوئی۔

PM MKB

وزیر اعظم نریندر مو دی مُلک تے بیرون مُلک مانہ رہ رہیا بھارتی شہریاں سنگ آئندہ 30 مارچ نانہ آکا ش وانی ور من کی بات پروگرام غا اپنا ماہانہ وار پروگرام مانہ اپنا خیالات سانجہ کریں گا۔ یا ماہانہ وار پروگرام غی ۲۱ ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علا وہ نریندر مو دی ایپ یاہ فر مائی گوو

اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی ہی قابل قبول ویں گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن ائر مو بائل ایپ ور نشر تے ٹیلی کا سٹ کیو جائے گو۔ اس توں علا وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی

وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی
اس پروگرام نانہ ہندی نشریات تیں فوراً بعد علاقائی زبانان مانہ وی نشر کرے گو۔
